

DR. DAVID ҒEREMIAH



VENDIMI YT
MË I
RËNDËSISHËM



Unë e di që Perëndia është i vërtetë dhe e di që Ai më do. Di gjithashtu që Ai ju do edhe juve, kushdo qofshi, cilatdo qofshin rrethanat tuaja. Unë kam kaluar kohë të mira dhe kohë të këqija në jetë, dhe Perëndia ka qenë gjithnjë atje për mua. Ai nuk më ka braktisur kurrë. Por as nuk më ka lënë të lirë nga problemet apo lëndimet. Në këtë botë duhet të luftojmë me to. Por Ai ka qenë gjithnjë me mua. Nuk mund ta imagjinoj dot se si do të ishte jeta pa Të.

Edhe ju mund ta njihni Atë. Ju mund të përjetoni momentin vendimtar më të rëndësishëm në jetën tuaj duke kuptuar dashurinë e Perëndisë për ju, duke e pranuar Jezusin dhe demonstrimin e Tij të dashurisë dhe duke e njohur Atë.

David Jeremiah



Perëndia e di se kush jeni

A dëshironi t'ju njohin? A doni që njerëzit të kuptojnë se kush jeni? Cilat janë ëndrrat tuaja? Si e shihni botën? Shumica jon e do këtë, prandaj edhe i flasim miqve tanë, ndajmë fotografi të jetës tonë dhe dërgojmë kartolina Krishtlindjeje. Ne duam që njerëzit të na njohin, të kujdesen për ne dhe të na duan.

Pra, po sikur unë t'ju thosha se është Dikush që ju njeh më mirë se partneri, se miku më i mirë dhe se prindërit tuaj? A nuk do të donit ta dinit se kush është Ky? Ai që ju njeh më mirë se të gjithë është Perëndia. Ai ju krijoi dhe ka ditur çdo detaj të jetës suaj që para se të ngjizeshit. Në fakt, te Psalmi 139 Davidi na tregon se sa shumë di Perëndia për ne. Davidi thotë: “Ti më ke hetuar, o Zot, dhe më njeh. Ti e di kur ulem dhe kur ngrihem, ti e kupton nga larg mendimin tim. Ti e shqyrton me kujdes ecjen time dhe pushimin tim dhe i njeh thellë të gjitha rrugët e mia” (Psalmi 139:1-3). Perëndia di gjithçka që bëni dhe gjithçka që mendoni.

Por Perëndia jo thjesht di gjithçka për ne, por Ai do që të ketë një marrëdhënie më të thellë me ne.

Dhe a nuk duam të gjithë marrëdhënie më të thellë me të tjerët?

Perëndia ju dëgjon

Mënyra se si mund t'i njohim më mirë njerëzit është duke i dëgjuar ata. Në të vërtetë, të dëgjosh atë që ata janë duke thënë. Por sa herë janë njerëzit të shpërqendruar kur ne flasim me ta? Ata shohin telefonin e tyre ose shohin televizor. Ata kërkojnë nëpër dhomë për dikë tjetër “më interesant” me të cilin të flasin. Kur ne bisedojmë me dikë, duam që ai të na dëgjojë, të kuptojë atë që po themi, jo thjesht të bjerë dakord me ne ose të kërkojë ndonjë person tjetër për të folur.

A keni menduar ndonjëherë që Perëndia ka qenë shumë i zënë për t'ju dëgjuar, për t'ju vënë veshin? Nuk është kështu. Perëndia nuk shpërqendrohet nga dikush apo diçka tjetër. Jo, Ai dëgjon çdo fjalë që thoni. Psalmi 116:1 thotë: “Perëndia dëgjoji zërin tim dhe përgjërimet e mia.” Perëndia ju dëgjon.

A po kaloni një situatë të vështirë, prej humbjes së një njeriu të dashur, prej një diagnoze mjekësore, prej një marrëdhënieje të thyer? Perëndia e di çfarë jeni duke

përjetuar dhe dëshiron t'ju ndihmojë. Perëndia do që të takohet me ju atje ku jeni dhe pikërisht siç jeni. Ju nuk keni pse të silleni sikur jeni dikush tjetër për Perëndinë që Ai t'ju dëgjojë. Mos harroni, Ai ju njeh më mirë se kushdo tjetër dhe dëshiron t'ju ndihmojë. Është e vështirë të besosh se Perëndia nuk do të heqë dorë nga ju, por Fjala e Perëndisë, Bibla, përmban plot mënyra se si Ai premton t'ju ndihmojë, dhe ju mund ta gjeni këtë ndihmë në Udhëzuesin e Referencave të Shkrimit në faqet 12-15.

Perëndia ju do

Perëndia jo vetëm që di më shumë se të tjerët për ju, por Ai gjithashtu ju do më shumë se kushdo tjetër. Ju mund të mendoni: “Ai di gjithçka për mua dhe prapë më do?”. Po. Në më të shumtën e rasteve dashuria njerëzore është me kushte dhe e limituar. Kur nuk i plotësoni dot këto kushte, “dashuria” tërhiqet. Por ndryshe nga dashuria njerëzore, dashuria e Perëndisë nuk ka kushte dhe as limite. Askush nuk është tepër i keq apo shumë larg dashurisë së Perëndisë. Perëndia ju ka dashur gjithmonë dhe nuk do të reshtë kurrë së dashuri. Romakëve 8:38-39 thotë: “Sepse jam i bindur se as vdekja, as jeta, as engjëjt, as pushtetet, as fuqitë dhe as gjërat e

tashme, as gjërat e ardhshme, as lartësitë, as thellësitë, as ndonjë tjetër krijesë, nuk do të mund të na ndajë nga dashuria e Perëndisë që është në Jezu Krishtin, Zotin tonë.”

Gjithçka rreth Perëndisë është e përsosur, por ndryshe nga Ai, të gjithë ne gabojmë. Të gjithë mëkatojmë. Duke qenë se Perëndia na do, Ai dëshiron të na falë. Duke qenë se është i shenjtë dhe i drejtë, Ai duhet të merret me mëkatin tonë. Perëndia na do aq shumë sa Ai bëri një rrugë për të na shpëtuar nga mëkati. Ai dërgoi Birin e Tij Jezus në tokë dhe misioni i Jezusit ishte që të na shpëtonte. Jezusi na shpëtoi të gjithëve nga mëkati duke jetuar një jetë të përsosur, duke vdekur në kryq dhe duke u ringjallur ditën e tretë. Ai mori ndëshkimin për mëkatin tonë, që ne të mund ta kalojmë përjetësinë me Perëndinë. Plani i shpëtimit me dashuri i Perëndisë është shpjeguar në Bibël.

Shtegu i Romakëve

Perëndia ju do! “Sepse Perëndia e deshi aq botën, sa dha Birin e tij të vetëmlindurin, që, kushdo që beson në të, të mos humbasë, por të ketë jetën e përjetshme” (Gjoni 3:16).

Perëndia ka një plan të mrekullueshëm për jetën tuaj! “Unë kam ardhur që të kenë jetë e ta kenë me bollëk.” (Gjoni 10:10).

Për shkak të mëkatit tuaj, jeni të ndarë nga Perëndia. “Sepse të gjithë kanë mëkatuar dhe nuk e arrijnë lavdinë e Perëndisë” (Romakëve 3:23).

Paga e mëkatit është vdekja. “Sepse paga e mëkatit është vdekja, por dhurata e Perëndisë është jeta e përjetshme nëpërmjet Krishtit Jezus, Zotit tonë” (Romakëve 6:23).

Paga e mëkatit tuaj u pagua nga Jezu Krishti! “Por Perëndia e tregon dashurinë e tij ndaj nesh në atë që, kur ende ishim mëkatarë, Krishti vdiq për ne” (Romakëve 5:8).

Po të pendoheni për mëkatin tuaj, të rrëfeni dhe të besoni Jezu Krishtin si Zotin dhe Shpëtimtarin tuaj, ju do të shpëtoheni nga mëkatet tuaja! “Sepse, po të rrëfesh me gojën tënde Zotin Jezus, dhe po të besosh në zemrën tënde se Perëndia e ngjalli prej së vdekurish, do të shpëtohesh. Sepse me zemër, njeriu beson në drejtësi dhe me gojë bëhet rrëfim për shpëtim ” (Romakëve 10:9-10). “Sepse kushdo, që do

ta thërrasë emrin e Zotit, do të shpëtohet” (Romakëve 10:13).

Perëndia ju fal †

Ju jeni të falur. Sa çliruese është t’i dëgjosh këto fjalë pasi kërkonit të falur nga një njeri i dashur për gabimin që keni bërë. Perëndia ofron të njëjtat fjalë për ju. Pavarësisht se çfarë gabimi keni bërë, Perëndia do t’ju falë. Asgjë nga ato që keni bërë nuk është jashtë faljes së Perëndisë. Falja e Perëndisë është si të largojë mëkatin tuaj aq larg sa është lindja nga Perëndimi (shihni Psalmin 103:12). Kur Perëndia ju fal, Ai ju mirëpret në praninë e Tij ku ka gëzim dhe kënaqësi në përjetësi. Efesianëve 1:7 thotë: “Në të cilin kemi shpengimin me anë të gjakut të tij, faljen e mëkateve sipas pasurisë së hirit të tij”. Ju mund ta pranoni faljen e Perëndisë dhe të keni *momentin tuaj vendimtar më të rëndësishëm.*

Për të marrë faljen e Perëndisë, thjesht kërkojini Atij t’ju falë për mëkatin tuaj. Këtu është një sugjerim i thjeshtë për lutjen tuaj.

Zoti Jezus, unë jam si gjithë të tjerët. Nuk ia dal dot mbanë i vetëm në jetë. Nuk jam i përsosur. Prirem të mëkatoj. Unë kam kuptuar se nuk ka asgjë në botë me të cilën të mund ta bëj veten të pranueshëm tek Ti. Por e di që Ti më ke dashur aq shumë sa ishe i gatshëm të nënshtroheshe në kryq dhe të vdisje për mua. Ky është një hir madhështor që nuk mund ta kuptoj. Unë veç mund ta pranoj. Dhe e pranoj. Unë e pranoj dhuratën Tënde falas dhe e di që nga ky çast e tutje jam i shpëtuar. Jam një bir i Perëndisë. Dhe e jap pjesën tjetër të jetës për të të shërbyer dhe për të përjetuar gëzimin që veç Ti mund ta ofrosh. Unë të falënderoj dhe të adhuroj. Amen.

Perëndia dëshiron një marrëdhënie me ju



Kur ne duam dikë, kalojmë kohë me të. Ne ecim me të. E njëjta gjë është e vërtetë për Perëndinë. Ai dëshiron një marrëdhënie me ju. Ai dëshiron që të kaloni kohë me Të dhe të flisni me Të. Pra, si mund të keni një marrëdhënie me Perëndinë?

Lutja. Lutja është mënyra se si flasim me Perëndinë. Ne i kërkojmë Atij të na falë për atë që kemi bërë gabim. Ne e falënderojmë Atë për atë që Ai ka bërë për ne. Dhe i kërkojmë Atij të sigurojë për nevojat tona (Mateu 6:9-13).

Fjala e Perëndisë. Studimi i Biblës është mënyra se si mësojmë më shumë për Perëndinë dhe rritemi në marrëdhënie me Të (2 Timoteut 3:16-17).

Kisha. Pjesëmarrja në kishë na lejon të marrim mbështetje nga besimtarët e tjerë, të adhurojmë Perëndinë me të krishterët e tjerë dhe t'i shërbejmë njerëzve në kishë dhe në komunitet. (Hebrenjve 10:24-25).

Ndarja. Të marrësh kohë për t'i treguar dikujt për vendimin tuaj për të pranuar dhuratën e Perëndisë për shpëtim është një mënyrë e mirë për të ndarë ungjillin (Romakëve 1:16).

Perëndia është atje për ju

Njerëzit vijnë dhe ikin në jetën tonë. Një mik shpërngulet në një qytet tjetër ose ne fillojmë një punë të re. Dhe ndonjëherë miqtë largohen sepse jeta jonë është e ngatërruar dhe e vështirë. Por Perëndia është gjithmonë me ne. Isaia 41:10 thotë: “Mos ki frikë, sepse unë jam me ty, mos e humb, sepse unë jam Perëndia yt. Unë të forcoj dhe njëkohësisht të ndihmoj dhe të mbaj me dorën e djathtë të drejtësisë sime.”.

Si njerëz ne përballemi me vështirësi në jetë, por Perëndia na jep shpresë dhe urtësi nga Fjala e Tij për të na ndihmuar në të gjitha fushat e jetës. Perëndia do të sigurojë për nevojat tuaja. Ai do t’ju ndihmojë t’i bëni ballë tundimit. Ai nuk do t’ju braktisë kur të përballeni me vështirësi. Perëndia ju jep inkurajim dhe urtësi në Fjalën e Tij për t’ju ndihmuar që të ecni në rrethanat e jetës. Udhëzuesi i mëposhtëm me tema përmban vargje nga Bibla për t’ju forcuar në shumë fusha të jetës suaj.

Udhëzuesi me Referencat e Shkrimit

1. Si mund të gjej ndihmë për të mposhtur mëkatën në jetën time?
– Romakëve 6:12-14
2. Si duhet të përballem me zemërimin tim? – Efesianëve 4:26; Jakobi 1:19-20
3. Si mund të jetoj pa pasur frikë “po sikur”? – Psalmi 4:8; Fjalët e Urta 3:25-26
4. Pse nuk duhet të kem frikë nga vdekja si i krishterë? – Gjoni 14:1-6; 1 Korintasve 15:54-57
5. Kush do të më ndihmojë kur jam i dëshpëruar? – Psalmi 46:1; Isaia 43:1-3
6. Si ta di atë që Perëndia dëshiron që të bëj? – Psalm 119:105; Fjalët e Urta 3:5-6
7. Si mund të gjej inkurajim kur jam i dekurajuar? – Isaia 40:30-31; Vajtimet 3:21-24
8. Si duhet të sillet një familje e perëndishme? – Fjalët e Urta 22:6; Efesianëve 6:1-4

9. **Si mund ta mposht frikën?**
– Psalmi 56:3; 2 Timoteut 1:7
10. **Si do të plotësohen nevojat e mia?**
– Mateu 6:25-34; Filipianëve 4:19
11. **Pse duhet t'i fal të tjerët?**
– Mateu 18:21-22; Efesianëve 4:32
12. **Si mund t'i përmirësoj miqësitë e mia?** – Fjalët e Urta 12:26, 17:17
13. **Si mund të gjej shpresë në mes të pikëllimit?** – Psalmi 147:3; 2 Thesalonikasve 2:16-17
14. **Si mund të gjej çlirim nga faji?**
– Psalmi 103:12; 1 Gjonit 1:9
15. **Ku të gjej forcë kur jam i dobët?**
– Psalmi 73:26; 2 Korintasve 12:9-10
16. **Si mund ta mposht vetminë?**
– Psalmi 27:10; Fjalët e Urta 18:24
17. **Si duket një martesë e perëndishme?**
– Efesianëve 5:22-33
18. **Si mund të gjej paqe në kaosin e jetës?** – Isaia 26:3; Filipianëve 4:6-7
19. **Si rritem unë frymërisht?** – Psalmi 1:1-3; 2 Pjetrit 1:5-8

- 20. A ka çlirim nga stresi i jetës?**
– Mateu 11:28-30
- 21. Cili është qëllimi i vuajtjes?**
– 2 Korintasve 1:3-4; 1 Pjetrit 1:3-7
- 22. Si mund t'i bëj ballë tundimit?**
– 1 Korintasve 10:13; Jakobit 4:7
- 23. Çfarë shprese ka në kohë tragjedi?**
– Gjoni 16:33; Hebrenjve 4:16
- 24. Cila është një pikëpamje e
perëndishme për punën?**
– Fjalët e Urta 23:4; Kolosianëve 3:23
- 25. Si mund të resht së shqetësuar?**
– Filipianëve 4:6; 1 Pjetrit 5:7



A keni përjetuar momentin vendimtar
më të rëndësishëm? Nëse po, do të donim
të dëgjonim për të. Na shkruani në
info@radio-7.net. Ose na telefononi në
+355686047511.

Lejoni që shërbesa jonë *Moment Vendimtar* t'ju gjendet pranë me mënyra të mrekullueshme që ju ndihmojnë të rriteni në besimin tuaj:

1. Broshura *Hapat e Parë të Besimit*, një broshurë që ju udhëzon përmes themeleve të besimit të krishterë.
2. Revista me devocione *Moment Vendimtar*, një revistë mujore e mbushur me artikuj frymëzues nga Dr. Jeremia dhe meditime udhëzuese për çdo ditë.
3. *Moment Vendimtar për Çdo Ditë*, devocione online që dërgohen drejt e në postën tuaj elektronike çdo ditë.

Gjeni më shumë materiale për studim dhe qëndroni në kontakt me ne.

phone: +355 68 604 7511

e-mail: info@radio-7.net

FB: TV 7 Albania; Radio 7 Albania

web: <http://www.radio-7.net> ; www.tv7.al;

www.DavidJeremiah.org

